



## NJUOLGGADUSAT

### Sámi Dáiddáriid ja Girječálliid Buhtadusfoanda

### 2025

#### § 1

Foandda namma lea Sámi Dáiddáriid ja Girječálliid Buhtadusfoanda (SDGB), ja dárogiel namma lea Samiske Kunstneres og Forfatteres Vederlagsfond, SKFV STI.

#### § 2

Sámi dáiddáriin ja girječálliin oaivvilduvvvo sii guđet devdet miellahttogáibádusaid sámi govvadáiddár-, dáiddaduojár ja dáiddalaš govvideaddjiid – ja girječálliidserviide.

#### § 3

Foanda lea háldenfoanda buhtadussii mii máksojuvvo oktasaš vuođuin sámi govvadáiddáriidda, dáiddaduojáriidda ja dáiddalaš govvideaddjiide ja girječálliide, čuovvovaš surggiin;

- a. buhtadus geavahit sámi govvadáiddáriid, dáiddaduojáriid ja dáiddalaš govvideaddjiid ja girječálliid bargguid, lága mielde mii gusto fotokopieremii ja eará sullasaš bargguide, dahkkisuodjaluvvon dáiddabargguide oahpahušdoaimmas.
- b. buhtadus geavahit sámi govvadáiddáriid, dáiddaduojáriid ja dáiddalaš govvideaddjiid ja girječálliid bargguid luoikkahan- ja geavahanávdnasiin almmolaš girjerádjosiin, maiddá dutkan- ja spesiálagirjerádjosiin,
- c. eará buhtadusa geavahit ja buhttet lobihis geavaheami sámi govvadáiddáriid, dáiddaduojáriid ja dáiddalaš govvideaddjiid ja girječálliid bargguid ovddas almmolaš ja priváhta doaimmain,
- d. buhtadusa čájeheami ovddas govvadáidaga/dáiddaduoji almmolaš oamastusas.

#### § 4

Foandda ruhta galgá atnojuvvot čuovvovaš ulbmiliidda:

- a. Máksit sámi govvadáiddáriidda, dáiddaduojáriidda ja dáiddalaš govvideaddjiide ja girječálliide bargostipeandda, mátkestipeandda, álggahanstipeandda, prošeaktastipeandda, ávnasstipeandda, čájáhusstipeandda ja stipeanda stipeanda vuorrasat dáiddáriidda.
- b. Eará doaimmaide ovddidit sámi govvadáidaga ja girjjálašvuoda, dás maiddá doarjja doaimmahit SDS ja SGS.

#### § 5

Foandda ruđa hálddaša 4-njeallje miellahttosas stivra oktan persovnnalaš várrelahtuiguin maid SDS ja SGS jahkečoahkkimat välljejit. Goabbáge searvi vällje 2-guokte stivralahtu oktan várrelahtuiguin. 2-guovttis foandastivrra áirasiin välljejuvvoaba stivralahtuid ja várrelahtuid gaskkas, nubbi SDS:s ja nubbi fas SGS:s.

Stivralahtut ja várrelahtut välljejuvvojit 2 jagáš doaibmaáigái, iige oktage sáhte leat badjel 6 jagi oktalaččat. Doaibmaáigi lea válgajagi suoidnemánu 1. b. rájes. Foandastivra vällje ieš jodiheaddji ja nubbijodiheaddji 2 jahkái ain hávil.

Stivračoahkkimiidda gohčču jodiheaddji, dahje go uhcimustá 2-guokte stivralahtu dan gáibidit. Čoahkkingohččun sáddejuvvo SDS:i ja SGS:i diehtun. Stivra lea mearridannávccalaš go uhcimustá 3-golbma miellahtu (dás maiddái várrelahtut) oktan jodiheaddjiin dahje nubbijodiheaddjiin leat sajis. Stivrra čoahkkimiin čállojuvvo beavdegirji. Čoahkkinbeavdegirji čálu sáddejuvvo SDS ja SGS stivrui.

Okta stivračoahkkin galgá dollojuvvo ovdal jahki nohká foandda ruđa váldojuohkima áigumušain. Stipeandaruhka máksojuvvo juohke jagi loahpageahčen ođđajagimánu. Stivrra jodiheaddji ja okta miellahttu čálliba vuollái foandda ovddas. Stivra sáhtá addit prokura.

Stivralahtut ja várrelahtut leat dain áigodahkii go leat välljejuvvon, ieža čuldojuvvon sáhttit oheat SDGB` stipeanddaid.

SDGB stipeanddaid ohcanáigi lea golgotmánu 15. b.

## § 6

Foandastivra juohká foandaruhka foandda doaibmasuorggi iešguđet ulbmiliidda.

Foandastivra ráhkada láidagiid foandda ruđa hálddašeapmái ja juohkimii. Láidagat bohtet fápmui foandastivrra mearrádusa maŋnil, muhto SDS ja SGS jahkečoahkkimat mearridit daid loahpalaččat.

SDS ja SGS välljejit goabbáge 3-golbma miellahttosáš fágalávdegotti oktan várrelahtuiguin main lea 2 jagáš doaibmaáigi. SGS ja SDS fágalávdegottit árvalit foandastivrui stipeandajuohkimiid stipeandaortnega láidagiid mielde.

## § 7

Foanda lea rehketdoallogeatnegas. Rehketdoallu ja jahkediedáhus galget juohke jagi sáddejuvvo SDS ja SGS ja Kulturdepartementii, maŋnil go searvvit leat jahkečoahkkimiiddiset doallan. Departemeanttas lea vuoigatvuohta geahččat foandda čálašemi ja rehketdoalu.

## § 8

SDS ja SGS jahkečoahkkimat mearridit foandda njuolggadusaid. Dáid galget dohkkehit Kulturdepartemeanta ja Stiftelsestilsynet.

---

### Juolgenotat:

Njuolggadusevttohusaid dohkkehan SDS, SG, SAMUS, STS jahkečoahkkimat borgemánus 1990. Loahpalaš njuolggadusaid gárvvistan SDGB` stivra 1990:s.

Kulturdepartemeanta dohkkehan golgotmánu 3. b. 1990.

Nuppástuhttin SDS ja SGS 1997 ja 1998 jahkečoahkkimiin.

Kulturdepartemeanta dohkkehan 21.10.1998 ja 11.09.2002.

Ođastuvvon 23.10.1998 ja 20.09.2002.

Nuppástuhttin SDS ja SGS 2004 ja 2007 jahkečoahkkimiin.

Kulturdepartemeanta dohkkehan 06.09.2010.

Nuppástuhttin SDS jahkečoahkkimis 2019.

Nuppástuhttin dohkkehuvvon SDS ja SGS 2025 jahkečoahkkimiin.